

## PAULO ĜENA TORETORE FILEMONA ĜENA

Filemona vaĝa-foforina guruĝari

Paulo na mai fefa tu Filemona ĝena Roma dibura gabuna na etoreato. Mai fefa tu laĝani 60 ma 61 fakari nuĝanai ta etoreato, mo tu Iesu emaseto murinai vau.

Mai fefa anina baregona tu “Veĝabi-raĝe ĝenoĝoi”. Ma siri baregori mai fefai tu siri 15 ema 16.

Paulo na Filemona mai fefa etore-viniato korana tu ĝena ura, 1) Filemona bene kiraia, Onesimo ma bene ĝabi-raĝea tarikaka maĝurinai; 2) Filemona bene kira-varaia, ĝia tu dibura na dori eraka-rosini, ma beraka-rosini ĝaronai tu Filemona bea raka-ĝitaiani.

Paulo na Filemona ĝena mai fefa tu maiĝesina eboioĝaiato:

1. Paulo na Filemona evaĝa-veiaviato - siri 1-7
2. Paulo na Onesimo iatanai Filemona enoĝiato - siri 8-21
3. Veĝabituĝu ĝuruĝari ekiraĝirito - siri 22-25

<sup>1</sup> Au Paulo, Keriso Iesu ĝaramanai diburai atanuni tarimagu, ema tarikakara Timoteo, ĝemana eiāĝosini.

Ĝauvei sebona ĝaveiani tarimana e ĝatama namona Filemona ĝemu atore-vinimuni. <sup>2</sup> Ema tobara Afia, ema ĝatara namona, Barau ĝena vetari nuĝanai iauka rekenai, Arekipo, ema ĝoina numai ĝevegogoni ekalesiari ĝeri atore-vinirini.

<sup>3</sup> Tamara Barau ema Veregauka Iesu Keriso g̃erina maino ema varevare-bara g̃emi ai bene tanu.

*Filemona g̃ena veuravini ema veḡabidadama*

<sup>4</sup> Filemona, g̃egu Barau atanikiu-viniani ema vanaḡivanag̃i g̃egu g̃auḡau ai akiraḡimuni, <sup>5</sup> korana g̃emu veḡabidadama Veregauka Iesu g̃enai ema g̃emu veuravini Barau g̃ena veaḡa tarimari mabarari g̃eri ai aseḡaḡimuni nai. <sup>6</sup> Moḡa lorinai aḡurigurini g̃emu veḡabidadama bono vari-fua tarima tari g̃eri g̃ana, be dagara namori taḡaunarini Keriso g̃enai taveḡabidadamani lorinai, bono riba-g̃itakauri. <sup>7</sup> Moḡoni, tarikakagu, g̃emu veuravini na evaḡa-iaku rakavaguto ema elaunaḡi-rakavaguto, korana g̃oi na veaḡa tarimari nuḡari ovaḡa-kokorerito.

*Paulo g̃ena noḡinoḡi*

<sup>8</sup> Au tu nuḡagu gwaḡiḡi Keriso nuḡanai g̃oi bara kiramū kara boro vei, <sup>9</sup> senaḡi veuravini nuḡanai moḡo anoḡimuni g̃emu veuravini dainai. Mai tu au, Paulo, baḡauka ema Keriso Iesu g̃aramanai diburai maiḡegu. <sup>10</sup> Onesimo, au natugu, uranai anoḡimuni. Gia tu Keriso nuḡanai au natugu ai eiaḡoto, korana au roḡo dibura numana nuḡanai, iaukai ḡia tamanai aiaḡoto. <sup>11</sup> Guinenai ḡia tu asi namo g̃oi g̃emu ai, senaḡina toma vetuḡunaḡi iaḡovininai ḡia tu ilaila nai, g̃oi na oura-viniani ema au na maki aura-viniani.

<sup>12</sup> Gia tu au lorugu ḡutuna, mai atuḡu-iaḡosi g̃enoḡoiani, be bono ḡabi-raḡea. <sup>13</sup> Au g̃egu ura ḡia tu mainai bana ḡabi-taria au sevigū ai, be g̃oi gabumu bene ḡabia au bere vaḡa-kavagu, au

Vari Namona ġaramanai roġo diburai nuġanai. <sup>14</sup> Senaġi ġegu ura ġoi na maoro boro vinigu vau bara ġabi-taria, moġesi naima asi aġabi-tariato. Au asi aurani maki ġoi bana kiramu kara bono veia. Au ġegu tuġamaġi, bema veiġa namori tari au durudurugu ġana bourani veiveiri nai tu, nuġamu sigai moġo bono veiri.

<sup>15</sup> Betaġu ġoi ġemuna Onesimo eveġitato ġaro kotuna anina tu, ma boġabi-ġenoġoiani nai tu, ġoi ġesi bene tanu-vanaġi vanaġi ġana. <sup>16</sup> Dia ġemu tuġu-rakaorakao tarimana asi voina moġo. Asiġina. Moġoni, ġia tu ġemu vetuġunaġi tarimana, senaġi ġia toma tu ġoi tarikakamu moġoninai beiaġo, naima bono ura-vinia. Au na ġia tu anari-ġitakauani nuġagu mabarana ġesi, ema ġoi na maki bouravini-lelevaġiani nuġamu mabarana ġesi. Ġia boura-viniani ema boġabi-raġeani tarima ta ema Vereġauka nuġanai tarikaka ta.

<sup>17</sup> Bema au oġabi-raġeguni ġoi ġatamu, Onesimo maki bono ġabi-raġea au boġabi-raġeguni ilailanai. <sup>18</sup> Bema kerere ta eveiato ġoi ġemu ai o ma ġena ġabitore ġoi ġemu ai nai tu, au aragu ai bono toreri. <sup>19</sup> Au Paulo ġimagu na mai fefa atoreani. Mo ġabitore tu voiri mabarari bavini-ġenoġoimuni. Ġoi maki ma ġemu ġabitore au ġegu ai. Ġoi maġuri tu au ġeguna oġoitaġoato, senaġi maniġeri tu asi bita kiraġirini. <sup>20</sup> Be, tarikakagu Vereġauka nuġanai, mani ġemu veiġa ġegu noġinoġi bono ġabi-raġea. Ġita taura ruarua tu Keriso nuġanai tatanuni, be bono vaġa-iakugu.

<sup>21</sup> Ġemu seġaġi ai avetuġa-maġikauni nai batore-

vinimu. Au ribagu, dia anogimuni veiḡari moḡo boveirini, senaḡi veiḡa namori boruri maki boveini. <sup>22</sup> Dagara ta maia. Ġegu gena daiḡutuna ta bono ḡabi-torea, korana atuḡamaḡini, Barau na ḡemi ḡauḡau beḡabi-raḡeani, be beḡabi-iaḡosiguni ḡemi ai.

*Vevaḡa-namo guruḡari*

<sup>23</sup> Epafras, Keriso Iesu ḡaramanai au ḡesi dibura numanai ḡatanuni, ḡia na evaḡa-namomuni. <sup>24</sup> Ema Mareko, Aristako, Dema ema Luka au ḡesi ḡaḡauvei-sebonani tarimari, ḡia na maki ḡeri vevaḡa-namo ḡevinimuni.

<sup>25</sup> Vereḡauka Iesu Keriso ḡena varevare-bara mabarami ḡemi ai bene tanu.

**GINITAŌ VARIŪUNA**  
**The New Testament in the Sinaugoro Language of**  
**Papua New Guinea**  
**Nupela Testamen long tokples Sinaugoro long Niugini**  
Copyright © 1995 The Bible Society of Papua New Guinea

Language: Sinaugoro

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-20

---

PDF generated using Haiola and XeLaTeX on 11 Nov 2022 from source files dated 22 Nov 2019  
a998e4ce-f2f7-5577-968e-5d2feef358f1